

პროექტის შესახებ

მედიის განვითარების ფონდი, MDF და საქართველოს დემოკრატიული ინიციატივა, GDI "ეროვნული ინტეგრაციის გაძლიერება საქართველოში" პროგრამის ფარგლებში, საქართველოს გაეროს ასოციაციისა და აშშ-ს საერთაშორისო განვითარების სააგენტოს (USAID) მხარდაჭერით ახორციელებენ პროექტს "ქართულ პოლიტიკასა და მედიაში ქსენოფობიასა და დისკრიმინაციასთან ბრძოლა".

პროექტის მიზანია, სამოქალაქო სექტორის გაერთიანება ქსენოფობიასთან და დისკრიმინაციასთან ბრძოლის იდეის ქვეშ და ერთიანი სამოქალაქო პლატფორმის "არა ფობიას" ჩამოყალიბება. აღნიშნული ფორმატი ითვალისწინებს, ერთი მხრივ, ეფექტური მონიტორინგის განხორციელებას მედიაში და მედიის მიერ ამგვარი რიტორიკის გამოყენების თითოეულ ფაქტზე და მათზე რეაგირებას და მეორე მხრივ, საზოგადოებრივი აზრის სწორად ფორმირების ხელშეწყობას.

პროექტის ფარგლებში ასევე დაგეგმილია, ხელი შევუწყოს საქართველოში მოქმედ პოლიტიკურ გაერთიანებებს, შექმნან ან გააძლიერონ შიდაპარტიული მექანიზმები, რომლებიც უზრუნველყოფენ პოლიტიკურ საქმიანობაში ქსენოფობიისა და დისკრიმინაციის ყოველგვარი გამოვლინების აღმოფხვრას.

პროექტი ასევე ითვალისწინებს ყოველკვირეული ბიულეტენის გამოცემას, რომელიც მონიტორინგის მიგნებებსა და კამპანიის "არა ფობიას" ფარგლებში განხორციელებულ აქტივობებს ასახავს. მონიტორინგი 6 გაზეთის (ასავალ-დასავალი, რეზონანსი, პრაიმ-ტაიმი, ქრონიკა, ალია, კვირის პალიტრა); 5 ტელე-ვიზიის (საზოგადოებრივი მაუწყებელი, იმედი, რუსთავი 2, კავკასია და მესტრო) დღის მთავარი საინფორმაციო გამოშვებებისა და თოქ-შოუების, ასევე მედია-კავშირ "ობიექტივის" პრაიმ-ტაიმის თოქ-შოუს დაკვირვებას ითვალისწინებს. მონიტორინგი 6 საინფორმაციო პორტალზეც (საქინფორმი, ინტერპრესნიუსი, ნეტგაზეთი, პირველი, რეპორტიური, საქართველო და მსოფლიო) ვრცელდება.

№ 1, 17-23 თებერვალი



შინაარსი

სიძულვილის ენა	3
არმენოფობია	4
ანტიდასავლური განწყობები	5-6
ეთნიკური ნიშნით დისკრიმინაცია	7
რელიგიური ნიშნით დისკრიმინაცია	8
დისკრიმინაცია სექსუალური ორიენტაციის ნიშნით	9-10
რეაგირება	11-12

მონიტორინგის მთავარი მიზნები

17-23 თებერვლის პერიოდში შემდეგი ტენდენციები გამოიკვეთა:

- სიმულვილის ენა როგორც უცხოელების, ასევე პოლიტიკური პარტიის (ძირითადად "ნაციონალური მოძრაობის" წარმომადგენლების) მიმართ იჩენდა თავს (გაზეთი "ასავალ-დასავალი");
- არმენოფობიულ განცხადებებს მეტწილად რესპონდენტების მხრიდან ჰქონდა ადგილი, რასაც წამყვანის მხრიდან სათანადო რეაგირება და განმარტება მხოლოდ ერთ შემთხვევაში (ტელევიზია "ტაბულა") მოჰყვა;
- ხდებოდა სპეკულაცია ეთნიკური ნიშნით სამსახურიდან დათხოვნის შესახებ და ცალმხრივი ინფორმაციის დაუსაბუთებელი დაკავშირება სამცხე-ჯავახეთში სიტუაციის სავარაუდო გამწვავებასთან და ვითარების ხელოვნური დრამატიზება (ვებ-პორტალი "საქინფორმი");
- ანტითურქული განწყობების გაღვივების მცდელობას პოლიტიკურ კონტექსტში, ფსევდოისტორიული ანალიზითა და რუსული ოკუპაციის საპირწონედ (გია ბურჯანაძე, სახალხო კრება) ჰქონდა ადგილი;
- თუ ადრეულ კვლევებში ანტიდასავლური განწყობების გაღვივება ძირითადად ლგბტ პირების უფლებების დაცვას უკავშირდებოდა, რასაც თან არასწორი ფაქტების ტირაჟირებაც ახლდა (ინცესტის და პედოფილიის დაკანონება და სხვა), საანგარიშო პერიოდში ანტიდასავლურ კონტექსტს უკრაინაში განვითარებული მოვლენებიც დაემატა. მეიდანზე შეკრებილი უკრაინელი მშვიდობიანი მომიტინგეები "ფაშისტებად" და უკრაინაში მცხოვრები ეთნიკური რუსების შემვიწროვებლებად არიან წარმოჩენილი (საქინფორმი, ობიექტივი, geworld.ge, ასავალ-დასავალი);
- კრიმინალური ამბების გაშუქებისას ეთნიკური კუთვნილების დაუსაბუთებელი იდენტიფიცირება რამდენიმე შემთხვევაში გამოვლინდა ("ინტერპრესნიუსი", გაზეთები "რეზონანსი" და "ალია", 1 არხი, "მომამე");
- უცხოელი ფერმერების წინააღმდეგ მიწასთან დაკავშირებული საკუთრებითი დავა თავად ფერმერთა პოზიციის გარეშე იყო გაშუქებული ("ინტერპრესნიუსი");
- რელიგიური ნიშნით დისკრიმინაციას სახალხო დამცველის მიმართ მედიის (გაზეთი "პრაიმ-ტაიმი"), ხოლო საქართველოში სომეხთა სამოციქულო მართლმადიდებლური ეკლესიის მიმართ - საპატრიარქოს წარმომადგენელი სასულიერო პირის მხრიდან (როსტომ ლორთქიფანიძე, დაკანოზი) ჰქონდა ადგილი;
- რელიგიური საკითხების გაშუქებისას, დომინანტი მამა გაბრიელის ნემტის გადმოსვენების თემა იყო, რაც საზოგადოებრივი მაუწყებლის 21 თებერვლის და "მაცტროს" 22 თებერვლის გამოშვებებში დღის მთავარ თემად გავიდა, ხოლო იმედის 8 საათიან "ქრონიკაში" მამა გაბრიელის ჰიპოტეტური წინასწარმეტყველების ახდენა ჟურნალისტთა სარედაქციო ტექსტში დადასტურებულ ფაქტად იყო წარმოდგენილი;
- სექსუალური ორიენტაციის ნიშნით დისკრიმინაციას მეტწილად გაზეთ "ასავალ-დასავალის", ასევე "პრაიმ-ტაიმისა" და ინტერნეტ-პორტალ geworld.ge-ს მხრიდან ჰქონდა ადგილი, მათ შორის, მომავალი 17 მაისის კონტექსტში ლგბტ პირების გამოხატვის თავისუფლების შეზღუდვის საკანონმდებლო მოთხოვნას;
- ცრურწმენების თემა კვლავ ID ბარათების, როგორც ეშმაკის ნიშნის მატარებელი ჩიპის მიუღებლობის და შესაბამისი საკომიტეტო განხილვის კუთხით იყო მედიაში აქტუალური;
- პოლიტიკური სპეკულაციები კი ევროინტეგრაციის პროცესში ეკლესიის როლს, ასევე რესპუბლიკელებისა და ნაციონალური მოძრაობის წარმომადგენლების წინააღმდეგ როგორც მედიის ("ასავალ-დასავალი"), ასევე რესპონდენტების (გიორგი გუგავა, ლეიბორისტული პარტია; ზურაბ აბაშიძე, ქართული ოცნება) მხრიდან გაკეთებულ განცხადებებს უკავშირდებოდა.

სიკუპვილის ქნა

საქინფორმი, 17 თებერვალი

რეზო ამაშუკელი, პოეტი: "ახლა კი, როდესაც უცხო ენაზე მოლაპარაკე ადამიანს ვხედავ, მგონია, რომ პედერასტია (ბოდის ვიხდი თქვენთანაც და მკითხველთანაც)! დასავლეთი იმდენად ასოცირებულია „ნაციონალურ მოძრაობასთან“ და ამ მანქურთებთან, რომ მათ მიმართ ზიზღი გამიჩნდა!.. არის რამდენიმე ძალა, რომელთაც ერთსქესიანებს დავარქმევდი - ისინი ერთმანეთისკენ ილტვიან, რათა ამ კაცს ებრძოლონ [ირაკლი ღარიბაშვილს]. გამღევეთ პირობას, თუ ცოცხალი ვიქნები, თმებით გამოვართვე ზოგს პარლამენტიდან, ზოგს - ხელისუფლების სხვა სტრუქტურებიდან!"

[http://saginform.ge/index.php?](http://saginform.ge/index.php?option=com_content&view=article&id=17810:2014-02-17-07-13-30&catid=98:politics&Itemid=457#ixzz2toGzcCQl)

[option=com_content&view=article&id=17810:2014-02-17-07-13-30&catid=98:politics&Itemid=457#ixzz2toGzcCQl](http://saginform.ge/index.php?option=com_content&view=article&id=17810:2014-02-17-07-13-30&catid=98:politics&Itemid=457#ixzz2toGzcCQl)

ასავალ-დასავალი, 17-23 თებერვალი

ლელიკო ჯაფარიძე, საოპერო მომღერალი: "ვინ არის გიორგი ბარამიძე? მკვლეელი! ჩმორი, რომელიც იმსახურებს, რომ შუა ქალაქში ფეხებით დაკიდო და მთელმა ერმა აფურთხოს!..

ვინ არის გივი თარგამაძე? ბლუ, შტერი, ყველაფერზე ხელის მომწერი არსება, რომლის თავიც გამოტენილია ცხოველური ექსკრემენტებით. ერთი სული მაქვს, როდის დადგება ის დღე, როცა ქართველი ხალხი თავის სიტყვებს - სულს ამოგხდით - უკან შესტენის"...

რეპორტიორი, 24 თებერვალი

ირმა ინაშვილი, მედია-კავშირი "ობიექტივი": "დაეტიეთ თქვენს სოროებში [ნაციონალური მოძრაობის წევრებს] და ყოველ წამს მადლობა სწირეთ ღმერთს, რომ ერთი გაუპატიურებული პატიმრის მამა არ დაგხვდათ სახლთან და არ გაგიპოთ თავი."

<http://www.reportiori.ge/?menuid=2&id=17545>

საქინფორმი, 19 თებერვალი

უკრაინელი ნეოფაშისტების იდეურმა ლიდერმა - სამხედრო დამნაშავე მიხეილ სააკაშვილმა ნიუ-იორკიდან, მისი კუთვნილი უკრაინული ტელეარხით "5"... მოუწოდა ნადირალებს, რომლებითაც "აღფრთოვანებულია" და რომლებითაც "ამაყობს", არ დანებდნენ, ანუ განაგრძონ ადამიანების დახოცვა, მარცვა, საელოების და-რბევა და კიევის დაწვა - "ევრომაიდან", რომელიც უკრაინელებისთვის სამუდამოდ გადაიქცევა სასაფლაოდ და სირცხვილის ადგილად!"

[http://saginform.ge/index.php?](http://saginform.ge/index.php?option=com_content&view=article&id=17844:2014-02-19-08-35-07&catid=98:politics&Itemid=457#ixzz2toE3kdSR)

[option=com_content&view=article&id=17844:2014-02-19-08-35-07&catid=98:politics&Itemid=457#ixzz2toE3kdSR](http://saginform.ge/index.php?option=com_content&view=article&id=17844:2014-02-19-08-35-07&catid=98:politics&Itemid=457#ixzz2toE3kdSR)

ასავალ-დასავალი, 17-23 თებერვალი

ელიზბარ ჯაგელიძე, სახალხო კრება: "ისინი, ვინც ეკლესიას და ქართულ ცნობიერებას უტევენ, ყველანი უნდა გაამიშვლო და წკებლა მანამდე ურტყა, სანამ გონს არ მოვლენ".

დათო ლორთქიფანიძე, ქართული ოცნება:

"სამწუხაროდ, ნაციონალებს პირს ვერ ამოუკერავ... იმ დონეზე უნდა აღდგეს სამართლიანობა, რომ მათი საინფორმაციო ღრუ დაიხშოს. მიხდა, მივმართო ამ მოსიარულე გვამებს: ასეთ ცინიკურ გამოხდომებს ყველა არ მოითმენს, თქვენი გასამართლება არის ქართველი ხალხის დაკვეთა და ეს უნდა მოხდეს."



საქინფორმი, 21 თებერვალი

"ყოჩად, კაზაკებო!" [სათაური]

"ყუბანელმა კაზაკებმა სოჭში ჩამალეს პანკ-ჯგუფ Pussy Riot-ის გამოსვლა... სოლისტებს ნადეჟდა კოლოკონიკოვას, მარია ალიოხინას და მათ თანამოაზრეებს კაზაკებმა მათრახებით სცემეს და გამოიყენეს წიწაკის გაზი."

[http://saginform.ge/index.php?](http://saginform.ge/index.php?option=com_content&view=article&id=17896:2014-02-21-15-16-39&catid=101:ucxoeti&Itemid=385#ixzz2uewU0xUk)

[option=com_content&view=article&id=17896:2014-02-21-15-16-](http://saginform.ge/index.php?option=com_content&view=article&id=17896:2014-02-21-15-16-39&catid=101:ucxoeti&Itemid=385#ixzz2uewU0xUk)

[39&catid=101:ucxoeti&Itemid=385#ixzz2uewU0xUk](http://saginform.ge/index.php?option=com_content&view=article&id=17896:2014-02-21-15-16-39&catid=101:ucxoeti&Itemid=385#ixzz2uewU0xUk)

საქინფორმი: "ყოჩად, კაზაკებო!"

"ყოჩად, კაზაკებო!"

"სოლისტებს ნადეჟდა კოლოკონიკოვას, მარია ალიოხინას და მათ თანამოაზრეებს კაზაკებმა მათრახებით სცემეს და გამოიყენეს წიწაკის გაზი."

რასისტული გამოსატვა



კაკობაშია, სკრებულო, 19 თებერვალი

გიორგი თავღვრიძე, სამხედრო ექსპერტი: "ჩვენ შეგვიძლია ტანზანიიდან ჩამოვიყვანოთ 10 ზანგი, რომელიც ერთი ქართველის, ვთქვათ, ფულით ვამსახუროთ ჯარში, მაგრამ მისი ღირებულება მეთაურობა არ იქნება".

არამნოვობია

კვირის კალიტრა, 17-23 თებერვალი

ჯემალ ჭკუასელი, ან-სამბლ "ერისიონის" სამხატვრო ხელმძღვანელი: "სომეხები ჩურჩხელას „არმიანსკოე ჩუდად“ ნათლავენ, იყო შემთხვევა, როცა შოთა რუსთაველიც არაქართველად გამოაცხადეს, ჩვენი ხალხური საგანძურის ნიმუშები კი სხვა ერის კუთვნილებად შერაცხეს... არც თუ დიდი ხნის წინ სტავ-

როპოლში ვიყავი. კონცერტს ესწრებოდნენ აფხაზები, ოსები, ჩერქეზები, ჩეჩნები. აღფრთოვანებულები გვიკრავდნენ ტაშს. კონცერტის დასრულების შემდეგ კი გვითხრეს, რაც თქვენ წარმოადგინეთ იმაში კარგად ჩანდა ქართული სული, თუმცა ჩვენი ცეკვები მაინც ძალიან ჰგავს ერთმანეთს... მერე მივუბრუნდი თანამოსაუბრეს და ვთხოვე გაემეორებინა იგივე მოძრაობა. ცხადია ვერ გაიმეორა. ვერ გააკეთეთ, რადგან ეს მოძრაობა თქვენი სულიდან გამომდინარე არ არის მეთქი - ვუთხარი ნიშნის მოგებით. მას სოვს სან-ფრანცისკოში კონცერტის შემდეგ სომეხმა ქალმა გადმომცა ფირფიტა, რომელზეც ინგლისურად და სომხურად ეწერა: „სომხური ხალხური სიმღერები"... იმ ქალმა ძალიან კარგად იცოდა, რომ ქართული სიმღერები იყო ჩაწერილი, მაგრამ უტიფრად სომხურად გამოაცხადა."

საქინფორმი, 19 თებერვალი

"ხმას იხლეჩდა სომეხი წარმოშობის ქართველი ფიურერი [იგულისხმება მიხეილ სააკაშვილი]". http://saginform.ge/index.php?option=com_content&view=article&id=17844:2014-02-19-08-35-07&catid=98:politics&Itemid=457#ixzz2toF3GmSt

ტაბულა ტვ, თეორემა, 19 თებერვალი

რესპონდენტი: [Vox-pop ევთანაზიის შესახებ]: "არა, არა, რა სისულელეა ვიღაც სომეხი რო არის, მკვლეელია სუფთა რა".

გადაცემის წამყვანმა განმარტება გააკეთა ქუჩის გამოკითხვის დროს ერთ-ერთი რესპონდენტის მიერ ამერიკაში, მიჩიგანში მოღვაწე ექიმ ჯეკ ქევორქიანის წარმომავლობასთან დაკავშირებით, რომელიც სამედიცინო პრაქტიკაში ევთანაზიის შემთხვევის გამო გაასამართლეს.

თოქ-შოუს წამყვანმა ყურადღება გაამახვილა იმაზე, რომ ჯეკ ქევორქიანი ამერიკის მოქალაქე იყო და მისი ეთნიკური წარმომავლობის მითითება არარელევანტური იყო, რაც მედიის მხრიდან პოზიტიური რეაგირების მაგალითად შეიძლება მივიჩნიოთ.

თამარ ჩერგოლივიშვილი, წამყვანი:

"რასაც აკეთებდა აი ის, სხვათა შორის, სომეხად მოიხსენიეს, ამერიკელი ექიმი იყო, სომხური წარმოშობის და ზოგადად ამერიკელები არ მიიჩნევენ მას სომხად, ამერიკელად მიიჩნევენ..."

დაუსაბუთებელი კარალმეზი

საქინფორმი, 18 თებერვალი

ინტერნეტ-პორტალი, "სახალხო კრების" წევრ ლაშა ამირეჯიბზე დაყრდნობით, ავრცელებს ინფორმაციას ახალქალაქის სხვადასხვა მუნიციპალიტეტიდან ეთნიკური სომხების სამსახურიდან დათხოვნის და მათ ნაცვლად ეთნიკური ქართველების დასაქმების თაობაზე. მედია საშუალებას აღნიშნული ინფორმაცია, რომელიც თავად რესპონდენტის მხრიდან დაუსაბუთებლად უკავშირდება სამცხე-ჯავახეთში სიტუაციის დამაბვას, ოფიციალურ წყაროსთან არ გადაუმოწმებია. ინფორმაციის სათაური "შესაძლოა სამცხე-ჯავახეთში ვითარება დაიძაბოს" გადაუმოწმებელ, ცალმხრივ ფაქტებს ეფუძნება და ხელოვნურად ძაბავს სიტუაციას.

http://saqinform.ge/index.php?option=com_content&view=article&id=17832:2014-02-18-10-18-30&catid=98:politics&Itemid=457#axzz2tnIH1TjH

ანტიტურქული განწყობები

იმიდი, რეაქცია, 21 თებერვალი

ბია ბურჯანაძე, სახალხო კრება:

"თურქეთს არა აქვს ოკუპირებული საქართველო?.. თქვენმა ხელისუფლებამ [ნაციონალური მოძრაობა] შეუწყო ხელი თურქეთის ექსპანსიას დღეს საქართველოში. თქვენ გაქვთ ორმაგი სტანდარტები: რუსეთი არის ოკუპანტი და თურქეთი არ არის?"

ობიექტივი, ღამის სტუდია, 21 თებერვალი

ბიორბი ფოფსაძე, ჟურნალისტი: „40

ათასი პასპორტია თურქულ გაცემული. აი, ისინი რომ ჩამოიყვანოს... რა, არ არიან საქართველოს მოქალაქეები?"

ანტიდასავლური განწყობები

საქინფორმი, 18 თებერვალი

"ჰომოსექსუალიზმში, ნარკოტიკებსა და ინცესტში ჩაფლულ ევროპელებს არ ესმით, რომ ფაშიზმის გამარჯვება [უკრაინაში] საბოლოოდ დაღუპავს ევროს და ევროკავშირს, რაც დოლარის და აშშ-ს უზარმაზარ გამარჯვებად იქცევა! ევროკავშირს გაკოტრებისგან მხოლოდ ევრაზიულ ეკონომიკურ კავშირთან და რუსეთის მოკავშირესთან - ჩინეთთან ინტეგრაცია გადაარჩენს, რაც დღეს აშშ-მ დაბლოკა! ამიტომ დღეს ამერიკა უკრაინაში სისხლიან სასაკლავოს მართავს და პუტინს ადანაშაულებს..."

გუშინ, როდესაც უკრაინელი ფაშისტების მიერ "ევრომაიდანზე" დახოცილთა რიცხვმა ასს გადააჭარბა, ხოლო დაჭრილების - ათასს, აშკარა გახდა, რომ საქართველოს პრეზიდენტი ისევ მიმტლერი სააკაშვილია, რომელიც უახლოეს ხანებში დაბრუნდება საქართველოში და აქ "ევრომაიდან 2"-ს მოაწყობს! იმის მაგივრად, რომ ფაშიზმი და ფაშისტები დაეგმოთ, როგორც ისრაელელებმა, საქართველოს ხელისუფლებამ - პრეზიდენტმა, პარლამენტის თავმჯდომარემ, უმრავლესობის და უმცირესობის პარლამენტარებმა - ე.წ. უკრაინის ოპოზიციის სოლიდარობა გამოუცხადეს და უკრაინის კანონიერი ხელისუფლება დაემეს!.. და აგრეთვე დეპუტატს საპარლამენტო უმრავლესობიდან, ცნობილ უღმერთო კორძაიას [იგულისხმება დეპუტატი თამარ კორძაია], რომელმაც ცოტა ხნის წინ ბინძური შეურაცხყოფა მიაცენა საქართველოს კათოლიკოს-პატრიარქს ილია მეორეს: უძრავი თვალებით კამერას მიმტერებულმა კორძაიამ... მომხდარი წარმოგვიდგინა არა როგორც ბრძოლა უკრაინელი ხალხის წინააღმდეგ, არამედ როგორც პუტინის რუსეთის ბრძოლა მთელ მსოფლიოში." http://saqinform.ge/index.php?option=com_content&view=article&id=17882:2014-02-21-09-47-38&catid=115:redakciisagan&Itemid=530#ixzz2u2UDqxWP

ანტიდასავლური განწყობები

ოზიმიქტივი, ღამის სტუდია,
23 თებერვალი

პალერი კპარაცხელია, წამყვანი: "ის, რაც უკრაინაში ხდება, ეს არის დასავლეთის შეთქმულება რუსეთის წინააღმდეგმეთქი... უკრაინაში აშშ-ს სცენარის განხორციელების შემდეგ რუსეთს ემუქრება: 2) უკრაინიდან ლტოლვილი რუსული წარმოშობის მოქალაქეების უდიდესი ნაკადი. 4) რუსულენოვანი მოსახლეობის დათრგუნვა ძალადობრივი უკრაინიზაციის გზით. 6) უკრაინის ტერიტორიაზე ტერორისტების გასაწვრთნელი ცენტრის ჩამოყალიბება, რომლებიც დამიზნებული იქნებიან კავკასიაზე."

ოზიმიქტივი, ღამის სტუდია,
21 თებერვალი

მსამენელი [სატელეფონო ჩართვა]: "გააუბედურეს ქრისტიანი ჩემი თანამომემები... აი, ეს არის ზუსტად ამერიკის დამსახურება. რომ ჩათრეოდნენ ხოლმე ის მუსიკოსები და ნაძირალები და კეტრინ ემტონები... ებრაელები გაჟუჟეს სათავეში. აი, ის 50 ათასი კაცი ებრაელი რომ გაწყვიტეს და ნახევარი პოლონეთი რომ გაანადგურეს, აი, ის სასტავი არის ახლა და ვინ გააჩერებს ახლა იმათ, ნახავთ, რა უბედურება დაატრიალოს უკრაინაში."

ასავალ-დასავალი, 17-23 თებერვალი

ბიორგი გიგაური, ჟურნალისტი: "რატომ აძლევთ საქართველოში განთავსებულ უცხო ქვეყნის საელჩოებს ქართველი ერის წაბილწვისა და ჩვენი ათასწლოვანი ტრადიციების ცინიკურად დაწიხვლის საშუალებას?! რატომ დუმხართ მაშინ, როდესაც უცხო ქვეყნის საელჩოები ასე უხეშად ხელყოფენ ჩვენი მომავალი თაობის სულს და ღიად ფულსაც კი იხდიან გარყვნისთვის?!"

Geworld.ge: "ამ

ეტაპზე საქართველოს-გან გეიპარადის ჩატარებას ითხოვენ მხოლოდ, როგორც ერთ-ერთ წინაპირობას ასოცირების ხელშეკრულებაზე ხელის მოწერისა, და მერე კი მეორე და მესამე ეტაპების, ანუ პედოფილიისა და ინცესტის, ლეგალიზაციის ჯერიც მოვა "...

Geworld.ge, 19 თებერვალი

ღამით მხიკმ, ჟურნალისტი: "დიახ, ბოლოს და ბოლოს, რადგან «ისინი» (ჩვენი ლიბერალტების პატრონ-დამფინანსებლები), ვინც პრაქტიკულად მოათავეს დასავლეთში ერთსქესიანი ქორწინებების «დამკვერელი ტემპებით დანერგვა», ახლა ისეთი «წვრილმანების» ათვისებაზე მუშაობენ (და არც თუ წარუმატებლად), როგორც პედოფილია-ინცესტია. ამ ეტაპზე საქართველოსგან გეიპარადის ჩატარებას ითხოვენ მხოლოდ, როგორც ერთ-ერთ წინაპირობას ასოცირების ხელშეკრულებაზე ხელის მოწერისა, და მერე კი მეორე და მესამე ეტაპების, ანუ პედოფილიისა

და ინცესტის, ლეგალიზაციის ჯერიც მოვა და დატრიალდება სოდომის ეშმაკის ბორბალი!.."

სასამართლო აშკარა ზეწოლას განიცდის დიპლომატიისგან, რომლის წარმომადგენლები ყველა პროცესს [17მაისის მშვიდობიანი აქციის დარბევისთვის ბრალდებული სასულიერო პირის, იოთამ ბასილაიას სასამართლო პროცესი] ესწრებიან, რათა მოსამართლემ საკადრისი მიუზღოს "ტაბურეტკიან მღვდელს"... დიახ, მხოლოდ ეკლესიაა ერთადერთი პატრონი და გულშემატკივარი ქართველი ხალხისა მსოფლიო ლგბტ-თა ტოტალური მოძალეების ქამს!"
<http://www.geworld.ge/View.php?ArtId=5652&lang=ge>

Geworld.ge, 20 თებერვალი

იაკობ ლეშაშა, ჟურნალისტი: "დასავლეთის საამებლად, ჰომოსექსუალურ ცოდვასთან მებრძოლი მღვდლების(!) დაჭერას ბედავენ და ჭკუასაც გვარიგებენ – პატრიარქი გააკრიტიკეთ, ხელშეუხებელი არავინ არისო!.. იქნებ ვინმემ დაასახელოს ერთადერთი წარმატება მაინც, რომელსაც საქართველომ დასავლეთის დახმარებით მიაღწია (დასავლეთიდან დაფინანსებული ე. წ. არასამთავრობოების სოკობივით მომრავლებას თუ არ ჩავთვლით წარმატებად და კიდევ – ამ ორგანიზაციების მიერ გაჩაღებულ კამპანიას მართლმადიდებლობის დისკრედიტაციისა და სოდომ-გომორის ცოდვის(!) ნორმად დაკანონებისკენ მიმართულს)!.. ჩვენი უბედურება არის ის, რომ ამერიკამ ქართველი ერის გადაგვარების ესტაფეტა ისე ოსტატურად გადასცა უსუფაშვილ-ალასანიას ივანიშვილის ხელით (ღვთით მოვლენილი რომ გვეგონა, თურმე ამერიკის მოვლენილი ყოფილა და რუსეთს სულ ტყუილად ვაბრალებდით)".
<http://www.geworld.ge/View.php?ArtId=5662&lang=ge>

ეთნიკური ნიშნით დისკრიმინაცია

ასაგალ-დასაგალი, 17-23 თებერვალი

თეიმურაზ ბულია, ინჟინერი: "ჩინური ლამინატი იმდენად მომწამვლელია, მასში ტარაკანიც ვერ ძლებს... არ გაეკაროთ სომხურ წებოს. განსაკუთრებით საშიშია ჩინური წებო... თუ ამას იყიდით, ჩათვალეთ, რომ თქვენ ყიდულობთ სიკვდილს. დიდი სიფრთხილის გამოჩენაა საჭირო თურქული წებოს შეძენისას!"

ლელიკო ჯაფარიძე, საოპერო მომღერალი: "ვინ არის დავით კეზერაშვილი? ებრაელი ხალხის უღირსი შვილი!"

საკუთრებით ღაცა

ინტერპრესნიუსი, 20 თებერვალი

სააგენტო "ინტერპრესნიუსმა" გააშუქა გარდაბნის მუნიციპალიტეტის სოფელ ლემშენიერას მოსახლეობის საპროტესტო აქცია, რომელზეც სამხრეთ აფრიკელი ფერმერების საკუთრებაში ადგილობრივი მიწის ფართობის არსებობას აპროტესტებდნენ. მასალაში არ არის წარმოდგენილი მიწის მესაკუთრე ფერმერთა პოზიცია, ხოლო სახელმწიფო საკუთრებაში არსებულ მიწაზე, რომლის გასხვისება სამხრეთ აფრიკელ ინვესტორებზე

მოხდა, აღნიშნულია, რომ საუბარი "წლების განმავლობაში სოფლის სარგებლობაში არსებულ" მიწას შეეხება. ინფორმაციაში ასევე მოყვანილია აქციის ერთ-ერთი მონაწილის ქსენოფობიური გამონათქვამი:

ალექსი გულბანი, სოფელ ლემშენიერას მკვიდრი: "ახლა მოიყვანეს ეს ბურები და თავზე დაგვასვეს, ნაყოფიერი მიწები მათ აჩუქეს. ჩვენ მომთმენი ხალხი ვართ, მაგრამ ისე გვიჭირს, რომ აღარც ბურებს დავინდობთ და არც ქართველებს, რომლებიც ჩვენ გვალაატობენ."



კრიმინალური აზგაბის გაშუქებისას ეთნიკური კუთვნილების მითითება

ჟურნალისტური სტანდარტი მოითხოვს, რომ კრიმინალური ამბების გაშუქებისას, პირის ეთნიკური კუთვნილების იდენტიფიცირება მხოლოდ იმ შემთხვევაში მოხდეს, თუ ჩადენილ დანაშაულს პირდაპირი კავშირი აქვს ეთნიკურ ან სხვა ტიპის ნიშანთან. აღნიშნული სტანდარტის მიზანია, მედიაში არ მოახდინოს ამა თუ იმ ტიპის დანაშაულთან გარკვეული ჯგუფის ასოცირება.

საანგარიშო პერიოდში სხვადასხვა მედია საშუალებებმა ეს სტანდარტი რამდენიმე შემთხვევაში დაარღვიეს:

- რეზონანსა და ალიაში 19 თებერვალს გამოქვეყნდა "ინტერპრესნიუსის" ინფორმაცია "სასულაიერო პირის მკვლელობის ბრალდებით საბერძნეთში ქართველი დააკავეს" - ნაცვლად დანაშაულში ეჭვმიტანილის მოქალაქეობისა, ჟურნალისტი მის ეთნიკურ წარმომავლობას აღნიშნავს ("მკვლელობის ბრალდებით საბერძნეთში 24 წლის ქართველი დააკავეს") და მოკლულის ეთნიკური წარმომავლობით ინტერესდება ("კონსული არ ადასტურებს ინფორმაციას, რომ მოკლული სასულაიერო პირიც ქართველია").
- საზოგადოებრივი მაუწყებელი, მოამბე, 22 თებერვალი - წამყვანი: "ლაფანყურის სპეცოპერაციაზე დაკითხულ ეთნიკურ ჩეჩენს საქართველო ისევ არ დაატოვებინეს" [მხედველობაში საქართველოს მოქალაქე საიხან მუზაევი].

რელიგიური ნიშნით დისკრიმინაცია

პრაიმ-ტაიმი, 17 თებერვალი

მამაკლე სტურუა, ჟურნალისტი: "სხვათა შორის, სოციალურ ქსელებში იმის შესახებაც დაიწერა, რომ უჩა ნანუაშვილი რელიგიური უმცირესობის წარმომადგენელია, ანუ ის მიეკუთვნება ერთ-ერთ უცნობ პატარა სექტას. საინტერესოა, რომ სოცქსელებით გავრცელებულ ამ ინფორმაციას არც პირადად ნანუაშვილი და არც მისი პრეს-სამსახური არ გამოხმაურებია. ომბუდსმენად მისი დანიშვნის დროს უჩა ნანუაშვილს პირდაპირ სექტანტი უწოდეს და პარლამენტს მოუწოდებდნენ, მართლმადიდებლური მრწამსიდან გამომდინარე მაინც არ დაემტკიცებინა მისი კანდიდატურა."

აღნიშნულ პუბლიკაციასთან ("უჩა ნანუაშვილი სექტანტია?") დაკავშირებით MDF-ისა და GDI-ის ერთობლივი განცხადება იხ. გვ. 11-12 - ზე.

ასავალ-დასავალი, 17-23 თებერვალი

როსტომ ლორთქიფანიძე, დეკანოზი:

"დიდი შეცდომაა სომხური ეკლესიისა და სხვა კონფესიების ქართული მართლმადიდებელი ეკლესიის ტოლსწორად აღიარება, დიდი შეცდომაა მათი სახელმწიფო ბიუჯეტიდან დაფინანსება... ხვალ სამი რაიონი - ახალციხე, ახალქალაქი და ნინოწმინდა ერთ ეპარქიად რომ გაერთიანდეს და იქ სომეხი დაჯდეს, ჩავთვა-

ლოთ, რომ სამცხე-ჯავახეთი დაკარგული გვაქვს! ეს საფრთხეები გათვალისწინებული აქვს ხელისუფლებას, სომხურ ეკლესიას საქართველოს ბიუჯეტიდან რომ აფინანსებს?!"

ვალერი გელბახიანი, იურისტი: "დასავლეთისთვის და კათოლიკური სამყაროსთვის საქართველო და მართლმადიდებლობა სხვა ცივილიზაციაა. ღმერთმა დაგვიფაროს, ივანიშვილი იყოს მისიონერი სხვა ქვეყნის და სხვა რელიგიის."



პრაიმ-ტაიმი: "სოციალურ ქსელებში იმის შესახებაც დაიწერა, რომ უჩა ნანუაშვილი რელიგიური უმცირესობის წარმომადგენელია, ანუ ის მიეკუთვნება ერთ-ერთ უცნობ პატარა სექტას."

რელიგია

რელიგიის საკითხებზე დომინანტი თემა მამა გაბრიელის ნეშტის გადასვენების საკითხი იყო, რაც საზოგადოებრივი მაუწყებლის 21 თებერვლის "მოამბის" და "მაესტროს" 22 თებერვლის საღამოს გამოშვებებში მთავარ თემად იყო გაშუქებული მაშინ, როცა სხვა არხებმა უპირატესობა უკრაინაში განვითარებულ მოვლენებს და საქართველოს პარლამენტში პრეზიდენტის ყოველწლიურ გამოსვლას მიანიჭეს. აღსანიშნავია, რომ ტელეკომპანია იმედის ჟურნალისტებმა 21 თებერვლის სიუჟეტში მამა გაბრიელის წინასწარმეტყველების ახდე-

ნა არა მხოლოდ მორწმუნეთა ან საეკლესიო პირთა აღქმად შეთავაზეს მაყურებელს, არამედ თავიანთ საავტორო ტექსტში, როგორც დადასტურებული ფაქტი:

იგედი, ქრონიკა, 21 თებერვალი

"ის რაც მამა გაბრიელმა სიკვდილამდე იწინასწარმეტყველა, მისი გარდაცვალებიდან 19 წლის შემდეგ ახდა."

აღსანიშნავია, ასევე, რომ საინფორმაციო პორტალ "რეპორტიორს" აქვს მუდმივი რუბრიკა "რელიგია", რომელშიც ძირითადად საქართველოს საპატ-

რიარქოსთან დაკავშირებული ინფორმაციები შუქდება და საქართველოში არსებული სხვა კონფესიების თემა საერთოდ იგნორირებულია.

ერთადერთი თემა, რომელიც საანგარიშო პერიოდში სხვა რელიგიურ კონფესიებს უკავშირდებოდა, გაზეთ "ალიას" (19 თებერვალი) და სააგენტო პირველში (18 თებერვალი) გამოქვეყნდა და სახელმწიფოს მიერ დამატებით 4 კონფესიის დაფინანსებასთან და რელიგიების სააგენტოს შექმნასთან დაკავშირებით სახელმწიფო მინისტრ პაატა ზაქარეიშვილის განცხადებას ასახავდა.

დისკრიმინაცია სექსუალური ორიენტაციის ნიშნით

პრაიმ-ტაიმი, 17 თებერვალი

გაზეთი ახდენს არასამთავრობო ორგანიზაცია "მოქალაქის" აღმასრულებელი დირექტორის გიორგი საბანაძის და საჯარო ბიბლიოთეკის სხვა თანამშრომლების შესახებ დაუდასტურებელი ინფორმაციის ტირაჟირებას. ხდება ლგბტ ჯგუფებთან მათი ნეგატიურ კონტექსტში ასოცირება:

"გასულ კვირას, ერთ-ერთ ბეჭდურ მედიაში საბანაძის ყოფილი თანამშრომლების ინტერვიუ დაიბეჭდა, სადაც ისინი საბანაძეს „მოგვიფე“ წარსულს უხსენებენ და გასული წლის მაისში, „ლგბტ“-ს ჩაშლილი „გეი-პარადის“ ორგანიზებაში „ადანაშაულებენ“... საჯარო ბიბლიოთეკის ყოფილი თანამშრომლების ინტერვიუს მიხედვით, ვერშემდგარი „გეი-პარადის“

შემდეგ, ბიბლიოთეკის დირექტორმა გიორგი კეკელიძემ, თანამშრომლებმა გიორგი საბანაძემ და ემზარ ჯგერენაიამ ბიბლიოთეკის მესამე კორპუსის ე.წ. „ფრანგულ დარბაზში“ შეკრებილი „ლგბტ“-ს წარმომადგენლებს მამაკაცის ფალოსის ფორმის ტორტი მიართვეს და ერთად დააგემოვნეს".

ასავალ-დასავალი, 17-23 თებერვალი

დიტო ჩუბინიძე, ჟურნალისტი: "სოდომური ცოდვა - მამათმავლობა ეკლესიის მსახურთა შორის ფართოდ არის გავრცელებული თუ როგორ არის საქმე?..

ამ რამდენიმე დღის წინათ საქართველოს საკონსტიტუციო სასამართლომ დააკმაყოფილა მანიაკების სარჩელი და იმ ჰომოსექსუალებს, რომლებიც ჯერ „უხმარებ“ არიან, ნება დართო, იყვნენ სისხლის დონორები, ხოლო ვინც შესცოდა და უკვე „ნახმარი“ გახდა - დონორობა აუკრძალა!.. ანუ მანიაკების მიერ მიღებული გადაწყვეტილების თანახმად, იმისათვის, რათა ჰომოსექსუალს ვინმემ სისხლის დონორობა დაუშალოს, ჰოგრიტიანი პროქტოლოგი უნდა გამოიძახოს, რომელიც საექმო ყოფაქცევის ქალ-ბიჭს ნახმარ-უხმარობის საკითხს დაადგენს და ან იტყვის - გადაუსხითო, ანდა - კანალიზაციაში ჩაასხითო!"

ასავალ-დასავალი, 17-23 თებერვალი

ბრიგოლ გომიჩაძე, დეკანოზი: "ზვიადი [გამსახურდია] მათ ებრძოდა... მეტი რაღა უნდა ვითხრათ, სასულიერო პირი, რომელიც მამათმავალი იყო და რომელსაც ბატონმა ზვიადმა თბილისში შემოსვლა აუკრძალა, დღეს საპატრიარქოში მაღალი თანამდებობის პირია."

ლელიკო ჯავარიძე, საოპერო მომღერალი: "ვინ არის მეთიუ ბრაიზა? ალბათ თვითონვე პედარასტი, რომელიც თავისი გარყვნილი აზრებით ქართველ საზოგადოებას წლე-

ბის განმავლობაში წამოაგვდა."

ჟურნალისტი **ჯაბა სუბუა** ლიბერასტებად მოიხსენიებს უფლებადამცველ თამარ გურჩიანს და ტელეკომპანია "ტაბულას" გადაცემა "საუბრები რელიგიაზე" წამყვანს ლევან სუთიძეს.

გიორგი ბიბაური, ჟურნალისტი: "საქართველოში თითოთ საჩვენებელი პედარასტულ-ლესბოსურ-ბისექსუალურ-ტრანსსექსუალური ორგანიზაცია - „იდეტობა“ ახორციელებს საგრანტო პროგრამას... და მას თვით შერთებული შტატების ელჩი

საქართველოში აფინანსებს!... დიახ, ამერიკისა და ნიდერლანდების საელჩოების დაფინანსებით, აქაური პედარასტები და ლესბოსელები გამოტრენინგებული და გრანტ-ძღვენიერთმეული სტუდენტების მხარდაჭერით, 17 მაისს ახალი უბედურების მოსაწყობად ემზადებიან!..

საქართველოში უკვე საკონსტიტუციო სასამართლოს დონეზე მიმდინარეობს პედარასტიის ლეგალიზაცია! და თუ პედარასტებს უფლება აქვთ სისხლი ჩააბარონ დონაციისთვის, იმ ჩვეულებრივ ადამიანებს რატომ არავინ ჰკითხა, უნდათ კი მათ, რომ პედარასტიის სისხლი გადაუსხან?!"



ასავალ-დასავალი:

"ამ რამდენიმე დღის წინათ საქართველოს საკონსტიტუციო სასამართლომ დააკმაყოფილა მანიაკების სარჩელი და იმ ჰომოსექსუალებს, რომლებიც ჯერ „უხმარებ“ არიან, ნება დართო, იყვნენ სისხლის დონორები”..



Geworld.ge: *“ურიგო არ იქნება, თუ პარლამენტი მიიღებს კანონს, რომელიც... სამართალდამცავებსაც შესაძლებლობას მისცემს, საპატრულო მანქანებში ერი და ბერი კი არ ტენოს, არამედ ის, ვინც კანონს დაარღვევს. 17 მაისამდე დროც არის, რათა ლგბტ აქტივისტებს ქუჩაში გამოსვლა და საჯარო განცხადებების გაკეთება აკრძალოს”...*

დისკრიმინაცია საქსუალური ორიენტაციის ნიშნით

Geworld.ge, 20 თებერვალი

ღამით მიწვიაშვილი, ჟურნალისტი: "საქართველოს მოსახლეობის უმრავლესობა ისევ ვერ მოითმენს ლგბტ აქტივისტთა გამოსვლას, ნაირფერი დროშის ფრიალს და, სავარაუდოდ, ისევ იგივე მოხდება... მოგეხსენებათ, ეს აბრევიატურა ასე იშვიფრება: ლესბოსელი, გეი, ბისექსუალი და ტრანსგენდერი. ყველა სიტყვა უცხოურია და ეს მაშინ, როცა ქართულ ენას შესატყვისი აქვს - მამათმავალი, ქალ-კაცა, მესაჯდომე..."

ურიგო არ იქნება, თუ პარლამენტი მიიღებს კანონს, რომელიც ამ სიტუაციას მოაგვარებს და სამართალდამცავებსაც შესაძლებლობას მისცემს, საპატრულო მანქანებში ერი და ბერი კი არ ტენოს, არამედ ის, ვინც კანონს დაარღვევს. 17 მაისამდე დროც არის, რათა ლგბტ აქტივისტებს ქუჩაში გამოსვლა და საჯარო განცხადებების გაკეთება აკრძალოს... არავის გაუჩნდება სურვილი, ტაბურეტს ფეხი მოაძროს და ვიღაცას თავში ან სხვაგან უზრახუნოს, აგინოს, ლანძღოს და მერე მთელმა ევროპამ ველურები გვემახოს. იმ ევროპამ, ჩვენთან რომ ოქროს ხანა იდგა, ტომებად რომ ცხოვრობდა და ბედმა თუ უბედობამ ახლა ჩვენი ჭკუისა და ქცევის მასწავლებლად აქცია... აგერ, ფილიპ დიმიტროვმაც ხომ გვითხრა, ევროპასთან ინტეგრაციისთვის ლგბტ აქტივისტთა თავზე ხელის გადასმა აუცილებელი არ არისო.

...ისიც ვიცით, რომ 17 მაისს ერთ-ერთ კინოთეატრში ქართველ ლგბტ-ზე გადაღებული ფილმის პრეზენტაცია იგეგმება... ამ კინოთეატრის წინ სარეკლამო აფიშა რამდენიმე კვირას იფრიალებს და საზოგადოების უმრავლესობისთვის ეს იგივე იქნება, რაც კორიდაზე ხარის წინ აფრიალებული წითელი ნაჭერი."

<http://www.geworld.ge/View.php?ArtId=5657&lang=ge>

ცრურწმენები

ასავალ-დასავალი, 17-23 თებერვალი

გიორგი ბიბაური, ჟურნალისტი: "დიახ, თეა წულუკიანი და მისი უწყება ამ უფასო ჩიპიანი „ყველით“ ეპატიჟება სათაგურში იმ ადამიანებს, რომლებსაც არანაირად არ სჭირდებათ ეს ეშმაკისეული პირადობის მოწმობები!"

ინტეგრაციის ნიშნით, 20 თებერვალი

„კომიტეტის სხდომაზე საზოგადოებრივ პოლიტიკური ორგანიზაციათა გაერთიანების უფლის სახელით—უფალია ჩვენი სამართლის" საკანონმდებლო წინადადებას განიხილავენ, რომელიც ალტერნატიული პირადობის დამადასტურებელი მოწმობის დაწესების საკითხს შეეხება. პროექტის ავტორთა განმარტებით, საქართველოს მაცხოვრებელთა აბსოლუტური უმრავლესობისთვის მიუღებელია საქართველოს მოქალაქის პირადობის დამადასტურებელი მოწმობის „ჩიპიანი ბარათის აღება".

პოლიტიკური სპეკულაციები

იმედი, რეაქცია, 21 თებერვალი

გიორგი გუზავა, ლეიბორისტული პარტია: "რესპუბლიკური პარტია ანტიეროვნული, ანტიმართლმადიდებლური პოლიტიკური ძალა მოიყვანა მმართველობაში."



გიორგი გუზავა, ლეიბორისტული პარტია:
"რესპუბლიკური პარტია ანტიეროვნული, ანტიმართლმადიდებლური პოლიტიკური ძალა მოიყვანა მმართველობაში."

ასავალ-დასავალი, 17-23 თებერვალი

გიორგი გიგაური, ჟურნალისტი: "სე რომ, ეს ჩვენი ლევან ბერძენიშვილიც და დავით ზურაბიშვილიც, ფაქტობრივად, რესპუბლიკური საავადმყოფოს #5 პალატიდან რესპუბლიკური პარტიის „გედის სიმღერას“ მღერიან!.. მალე მათ „ნაცებიც“ მისცემენ ზანს და ეს ქართველ-თმოძულე კაპელა ერთხმად დააგუგუნებს ლიბერალ-სოროსული ძალების გამოსათხოვარ რეკვიემს!"

რეზონანსი, 17 თებერვალი

„ქართული ოცნების“ წარმომადგენლის, რესპუბლიკელ დავით ზურაბიშვილის განცხადებით, რუსეთი ყოველთვის იყენებდა და მომავალშიც გამოიყენებს ეკლესიას, როგორც მნიშვნელოვან იარაღს. როგორც მან ევროკავშირთან ინტეგრაციის პროცესში აღნიშნა, ეკლესია ყოველთვის იყო დასაყრდენი რუსული პოლიტიკისთვის.

ინტერპრეზენიუსი, 21 თებერვალი

ზურა აბაშიძე, ქართული ოცნება: "როდესაც ჩვენ დავდივართ უცხოეთში და ვხვდებით ჩვენ კოლეგებს, "ნაციონალური მოძრაობის" ოდიოზური წარმომადგენლები, საუბრობენ იმაზე, რომ საქართველოს მთავარი მტერი არის ეკლესია. საუბრობენ იმაზე, რომ ქვეყანაში ეკლესია ატარებს რუსულ, კრემლის და პუტინის ინტერესებს".

რეაგირება 25 თებერვალი, 2014

მედიის განვითარების ფონდის, MDF და საქართველოს დემოკრატიული ინიციატივის, GDI ერთობლივი განცხადება გაზეთ "პრაიმ-ტაიმის" პუბლიკაციასთან დაკავშირებით

გვინდა შემოვთავაზოთ გამოვთქვათ გაზეთ "პრაიმ-ტაიმში" 17 თებერვალს გამოქვეყნებული სტატიის "რა სკანდალებშია გახვეული სახალხო დამცველი. უჩა ნანუაშვილი სექტანტია?" გამო.

სტატიის ავტორის მიერ შემოთავაზებული სპეკულაცია საქართველოს სახალხო დამცველის რელიგიურ მრწამსზე, სცილდება ეთიკის ფარგლებს და პროფესიური სტანდარტების დარღვევას წარმოადგენს. ადამიანის რელიგიური მრწამსი ან სხვა იდენტობა, თვითიდენტიფიცირების სფეროს განეკუთვნება და თუ პირი არ ახდენს საკუთარი მრწამსის საჯაროდ გაცხადებას, რაც მისი, როგორც ინდივიდის უფლებაა, ჟურნალისტის მხრიდან ასეთ პრივატულ საკითხებზე, ანონიმურ წყაროებზე დაყრდნობით საუბარი, დაუშვებელია.

გაგრძელება გვ. 12

**მედიის განვითარების ფონდი,
MDF**

ილ. ჭავჭავაძის გამზირი №54,
მე-5 სად. მე-4 სართული.
ქ.თბილისი, საქართველო, 0179

ტელ/ფაქსი: (+99532) 2 22 00 16
mdfgeo@gmail.com

www.mdfgeorgia.ge

www.gendermediator.ge

MDF წარმოადგენს არასამთავრობო ორგანიზაციას, რომლის მიზანია ფუნდამენტური უფლებების დაცვა და ღია საზოგადოებრივ ღირებულებებზე დაფუძნებული, ტოლერანტული და ინკლუზიური საზოგადოების ჩამოყალიბება; ქართული მედიის პროფესიული და ინსტიტუციური განვითარება; თავისუფალი მედია გარემოს ხელშეწყობა და მედიის ანგარიშვალდებულების სისტემის, თვითრეგულირების მექანიზმების დამკვიდრება.

GDI არის დამოუკიდებელი, არასამთავრობო ორგანიზაცია, რომლის მიზანია ხელი შეუწყოს ქვეყნის დემოკრატიულ განვითარებასა და ევრო-ატლანტიკურ სივრცეში ინტეგრაციას, დაიცვას ადამიანის უფლებები, წახალისოს ინკლუზიური საზოგადოების ჩამოყალიბება და ტოლერანტული გარემოს განვითარება, გააძლიეროს დემოკრატიული რეფორმები და განამტკიცოს კანონის უზენაესობა, გაზარდოს სახელმწიფო ინსტიტუტების გამჭვირვალობა და ანგარიშვალდებულება.

**საქართველოს დემოკრატიული
ინიციატივა, GDI**

დ.გამრეკელის #2, მე-4 სართული
ქ.თბილისი, საქართველო, 0179

ტელ/ფაქსი: (+995 32) 2 72 8008
info@gdi.ge

www.gdi.ge

რეაზირება

25 თებერვალი, 2014

დასაწყისი გვ. 11

მით უმეტეს, როდესაც თავად სტატიაში გადმოცემული ამბავი არანაირად არ საჭიროებს პირის რელიგიური მრწამსის აღნიშვნას და არ უკავშირდება რელიგიურ საკითხებს.

სიტყვისა და გამოხატვის შესახებ კანონი იცავს როგორც გამოხატვის თავისუფლებას, ასევე ადამიანის "თავისუფლებას იძულებისაგან, გამოთქვას თავისი შეხედულება რწმენის, აღმსარებლობის, სინდისისა და მსოფლმხედველობის... აგრეთვე ყველა იმ გარემოების შესახებ, რომელიც შესაძლოა გახდეს მისი

უფლებებისა და თავისუფლებების შელახვის საფუძველი".

ვფიქრობთ, რომ იმ ვითარებაში, როცა უზა ნაწარმოებულს თავად არ მოუხდენია საკუთარი რელიგიური მრწამსის საჯაროდ გაცხადება, რაც მისი ლეგიტიმური უფლებაა, ჟურნალისტის და რედაქციის მხრიდან მის რელიგიურ მრწამსზე საუბარი, დაცული უფლების ხელყოფას წარმოადგენს. ამასთანავე მიუღებელია, პირის აბსტრაქტულ მრწამსზე საუბრისას, მისი გაიგივება სექტასთან (პრაიმ-ტაიმი: "ანუ ის მიეკუთვნება ერთ-ერთ უცნობ პატარა სექ-

ტას"), რაც საზოგადოებაში არსებული ნეგატიური სტერეოტიპების კიდევ უფრო გაღრმავებას უწყობს ხელს. მით უფრო, როცა თავად ამ ტერმინის დასაბუთებულობა და მისი განსხვავება რელიგიური ორგანიზაციის ცნებისგან სადავოა.

მოვუწოდებთ გაზეთის რედაქციას, მომავალში თავი შეიკავოს ისეთ მგრძნობიარე თემებზე აპელირებისგან, რომელიც ინდივიდის მრწამსს უკავშირდება და თავი აარიდოს რელიგიურ თემებზე ყოველგვარ დაუსაბუთებელ ინსინუაციებს.